

PLVTARCHI

CHAERONEI PHI

LOSOPHI CLARIS-

SIMI LIBER

DE

GARRVLITATE.

EIVSDÉM

DE ESVCARNIVM

ORATIONES

DVAE,

LODOICO RVSSARDO

interprete.



APVD SEB. GRYPHIVM

LVGDVNI,

1554.

21
STATUTE

OF THE

STATUTE

OF THE

OF THE



OF THE

OF THE

OF THE

NOBILISSIMO ET
 POTENTISS. VIRO LO-
 DOICO COVRCELLONIO
 LODOICVS RVS-
 SARDVS

S.



V M me naturalis quædam propen-
 sio, & parentum uoluntas ad stu-
 dium Iuris ciuilis semper incitarint,
 tum maximè Duareni Iureconsul-
 torum ætatis nostræ facile principis, admirabilis
 quædam, & penè diuina in difficillimis quibus-
 que eius quæstionibus explicandis facilitas, &
 scientia. Itaque iustam operam in hac disciplina
 ponere contendo: ne spem nonnullam amicorum
 de mea industria conceptam fallam, & tanti uiri
 auctoritatem dedecorem. Verùm nullum est tam
 serium negotium, nullaq; tam grauis occupatio,
 quæ aliquod tempus ad relaxandum animum non
 largiatur: quod cum alij uarijs in rebus consu-
 mant, ego bonis literis impendo: & quoties à stu-
 dijs grauioribus me disiungere licet, ad mansue-
 tiores musas libenter me refero: atque imprimis
 Græcorum scriptorum monumentis transferendis
 delector. Ex quibus ut hunc potissimum Plutar-

4
chi commentarium in Latinum conuerterem, ad-
ductus sum acri synceroq; iudicio clarissimi uiri
Francisci Hospitalij Biturigum praefecti, qui di-
gnum esse iudicat, quem homines de manibus
nunquam deponant: ut ex eo discant linguam co-
hibere, qua nullum est membrum perniciosius, si
quis abutatur: nullum salubrius, si adsit diligens
cautaq; moderatio. Hanc autem interpretationem
meam tibi dico, ut tuorum erga me meritorum
sit sempiterna testis: quorum nullam partem non
modò referenda, sed ne cogitanda quidem gratia
consequi possum. Hoc unum tamen habeto, me
quantum literis, quantum studijs consequi potero,
id omne ad arbitrium tuum libentissime collatu-
rum. Neque mihi in omni uita rem ullam tam
propositam fore, quàm ut quotidie vehe-
mentius te de me optime meritum
esse latere. Anarici Bituri-
gum decimo sexto Cal.
April. 1552.
Vale.

PLVTARCHI

CHAERONEI

LIBER

DE

GARRVLITATE,

LODOICO RVSSARDO

interprete.



DIFFICILEM sanè & periculosam rem curandam, garrulitatem, philosophia suscipit. Oratio enim remedium illius, audientibus adhibetur.

Garruli uerò neminem audiunt: nam perpetuo garriunt. Et hoc uitio loquacitas imprimis laborat, quòd neminem audire uelit: ac imperasse sibi sua sponte surditatem arbitror eius generis homines, accusantes naturam, quòd unam quidem linguam, duas autem aures tribuerit. Quòd si Euripides pulchrè dixit auditori stulto,

Pertusum nunquam implere potero animum:

Sapientes sermones stulto infundens homini.

Iustius & uerius quius diceret garrulo, uel potius de garrulo,

Non recipientem nunquam replere potero

Sapientes sermones effundens in hominem alloquentem non aduertentes, & alloquentibus non aduertentem. Quod si quid minimum audierit garrulitas, uelut aestu quodam impulsam illud crebro multiplicatum confestim reddit. Porticum certè quidem in Olympia, quæ ex una uoce multas redderet, ἐπὶ ἁφῶνον, id est, septiuocam uocant. Garrulitas uerò si minimo uerbo prouocetur, contra statim circunsonat, fides mouens minime mouendas mentium. Nunquam igitur illis animi causa, sed linguæ, aures perforata fuerunt. Itaque alijs inhaerent uerba, garrulis effluunt. Deinde mentis uacui, sono uerò pleni ut uascula in orbem obambulant. Itaque si placeat nihil intentatum relinqui, dicamus garrulo, Puer tace. Silentium multas in se habet utilitates, duas autem summas & præcipuas, quòd audiat, & audiatur: quorum neutrum garrulis assequi licet. Verùm sua ipsi cupiditate maximè frustrantur. Cætera enim animi uitia, ut auaritia, ambitio, libido, facillè quod expetunt consequuntur: solis garrulis ægrè hoc obtingit. Auent enim audiri, & nemo minus inuenit qui aures præbeant, sed terga uertunt, ac fugiunt: ita ut si in hemicyclo sedentes, aut in eodem spatiantes,
procul

procul aduentantes conspexerint : discessum sibi repente quasi per manus indicant. Et quemadmodum in cœtu aliquo cùm fit silentium, Mercurium superuenisse aiunt : ita etiam cùm in conuiuium aut consessum familiarium garrulus ingressus est, omnes tacent, nolentes occasionem loquendi præbere. Quòd si ipse os diducere ceperit, priusquam tempestate opprimantur, non aliter quàm ij qui suspicantur imminere iactationem, & nauseam. Borea summum mare stringente, exurgunt. Quo fit, ut neque inter epulas conuiuias, neque contubernales alacres in itinere, aut nauigatione, sed necessarios & inuitos nanciscantur. Vbiq; enim instat, pallium apprehendens, barbam, uel latus tanquam fores manu pulsans. Profectò preciosissimi sunt pedes ex sententia Archilochi, & sapientis Aristotelis. Hic enim delassatus & perstrictus ineptis garruli, nescio cuius, narrationibus subinde dictitantis, An non hoc mirum Aristoteles? Non istud, inquit : sed illud potius, si quis cùm pedes habeat, te perpeti queat. Et cùm aliquis alius diu multumq; locutus subiecisset, Nugatus sum apud te philosophe. Non per louem apud me quidem : non enim attendi. Etenim si insent garrire loquaces, animus tribuit illis aures, ut eas foris circumfundant. Idem autem

intra se alia cogitat, & meditatur. Vnde neque
 attentos, neque fidem habentes auditores conse-
 quuntur. Nam aiunt, infœcundum semen eorum
 esse, qui ad congressum propensi sunt: itidem
 etiam garrulorum oratio nulli usui, aut vtilitati
 esse potest. Et certè nullum membrum tam firma
 munitione uallauit natura, quàm linguam, ob-
 iiciens illi dentes loco valli: ut si rationem intus
 moderantem picta frana non audiat, neque reti-
 neri possit, cruento morfu eius in temperantiam
 contineamus. Infranem enim & reclusam, non
 cellam, nec domum, sed os desinere in calamita-
 tem Euripides ait. Itaque qui arbitrantur ades
 foribus carentes, & crumenas nullis adstrictas
 uinculis inutiles possessoribus esse: Os uerò per-
 petuò uerba fundens & effluens instar ponti nun-
 quam comprimunt, uilissimarum rerum nume-
 ro censere orationem uidentur. Vnde fidem non
 emerentur, ad quam omnis oratio refertur. Hunc
 enim finem habet propositum, fidem audientibus
 facere. Loquacibus autem nemo credit, tametsi
 uerum dicant. Quemadmodum enim frumenti
 uase conclusi mensura adaugetur, sed usus de-
 terior efficitur: sic etiam oratio quæ in futilem
 hominem incidit, falsum magno auctario locuple-
 tat: quo fidem sibi detrahit. Adde quòd puden-
 tissimus

tiſſimus quiſque & modeſtiſſimus ebrietatem deuitat. Inſania enim comitem eſſe iram plerique ſentiunt : ebrietatem autem contubernalem ac potius ipſam eſſe inſaniam : tempore quidem breuiorem , deſtinatione autem ſpontanea grauiorem, quòd ultro accerſatur. Ac in ebrietate nihil perinde accuſant , atque infinitam & immoderatam loquacitatem.

Vinum etenim ad cantus permultum impellit amœnos,

Prudentē ad riſus blandos ducendasq; choræas.
Et quod grauiſſimum (nam riſus & ſaltatio ludus iocusq; quidam adhuc ſunt)

Quod tacuiſſe foret melius, proferre coëgit.

Hoc iam grauiſſimum & periculoſiſſimum. Atque etiam , non ne poëta ſoluens quod à philoſophis quaſitum eſt , diſcrimen οἰνωρεως & μέθης appoſitè explicuit ? Vini enim pocillationis, hilaritatem & relaxationem propriam conſtituit : ebrietatis uerò futilem & importunam garrulitatem. Quod enim eſt in corde ſobrii , (veteri prouerbio) id eſt in lingua ebrü. Proinde Bias in quodam conuiuio tacens, & hoc nomine tanquam ſtolidus & ineptus à garrulo neſcio quo taxatus, Ecquis ait fatuus inter pocula tacere poſſit ? Et Athenis , quidam regios legatos bonarum artium

studiosos conuiuio excepturus, curauit eidem & philosophos adhibere. Qui cùm sermonem inter se haberent, & quasi symbola in medium conferrent, uno Zenone tacente: Hospites illi comiter appellato propinantes De te, dixerunt, ô Zeno quid regi renuntiare nos conuenit? Nihil aliud, inquit, quàm Athenis senem esse, qui possit inter pocula tacere. Adeo recondita, mysterij plena, & sobria res est silentium. Ebrietas uerò loquax, atque hoc etiam nomine imprudens & amens, & in uerba profusa. Atque adeo philosophi definiunt ebrietatem esse nugationem temulentam. Ita non reprehenditur potatio, si adsit silentium. Verùm accedens stulta loquacitas uini pocillationem, uertit in temulentiam. Ebrius igitur nugatur inter pocula, garrulus autem ubique: in foro, in Theatro, in ambulatione, interdum, noctu. Si morbo medeatur, morbo grauior est: si uehatur eadem naui, acerbior nausea: si laudet, uituperante molestior: omninoq; libentius cum improbis strenuis uersantur, quàm cum garrulis probis. Nestor enim Sophoclis Aiace exacerbatum oratione mitigans, scitè dixit: Non te accuso, procacitatem enim lingue fortiter faciendo abundè pensas. Verùm in garrulum non eodem modo affecti sumus: Vniuersam enim facti gratiam

tiam intempestiuus sermo corrumpit & extinguit. *Lysias* reo cuidam orationem conscriptam tradidit, qua saepe lecta uenit ad *Lysiam* tristis, & ait: Sibi quidem primò legenti uisam fuisse admirabilem: iterum autem, & tertio repetenti, frigidam, & otiosam. Cui *Lysias* cùm risisset, Quid? inquit, non'ne amplius quàm semel eam pronuntiaturus es apud iudices? At uerò expende *Lysia* lepòrem & gratiam:

Ego certè affirmo illum,

Musarum redimitarum crines floribus

Adeptum esse ueneres.

Sanè inter cætera quæ de poëta feruntur, hoc uerissimum est, quòd unus *Homerus* hominum satietatem effugit: nunquam non nouus, & nouitate sua semper gratissimus: prædicat tamen & exclamat illud de seipso: Odiosum est mihi magnificè & splendide dicta denuo inculcare. Fugit & metuit imminentem omni orationi satietatem, & in alias narrationes ex alijs auditum inducit, nouitateq; satietatem eius leuat. Hi uerò radunt aures assiduæ repetitionibus, non secus ac ij, qui sæpius inductas tabulas literis inquinant. Itaque hoc imprimis redigamus illis in memoriam, quod quemadmodum qui cogunt immodico mero holuptatis & hilaritatis gratia reperto
se in

se ingurgitare, quibusdam mœrorem & ebrietatem immittunt: ita etiam qui sermone iucundissimo, & humani commercij instrumento, temerè & inconsultò utuntur, inhumanum faciunt, & à cōmercijs alienum: angunt eos quibus studebant gratificari: iridentur ab ijs, quibus uolebat esse admirationi: inuisi fiunt ijs, quibus sese amicitiam conciliaturos sperabant. Quemadmodum igitur qui cesto congreddientes auertit, & abigit, uehementer inuenustus est: ita etiam auersus à Musis, & artis expers, qui oratione, ceteris molestiam, ac sibi odium parit. Ceterorum affectuum & morborum alij sunt periculosi, alij odiosi, alij denique ridiculi. At in garrulitate omnia hæc simul insunt. Iridentur enim in quotidianis colloquijs: in odium ueniunt ob infaustos, ac tristes nuntios, & periclitantur, non continentes ea, quæ in uulgus effferri nefas est. Vnde Anacharsis cum cœnasset apud Solonem, hoc gestu deprehensus est dormiens, ut dextram admotam haberet ori, sinistram pudendis. Nam existimabat, & rectè, linguam arctiori fræno indigere. Nemo enim facile proferat, tot homines rerum uenerearum intemperantia sublato, quot urbes, & imperia tacendus sermo prolatus euertit. Sylla obsederat Athenas, non tracturus in longius obsidionem:

quon

quoniam alius labor urgebat , occupata Asia à Mithridate , & Mariani Romæ iterum rerum potiti erant. Sed cum exploratores audissent quosdam senes in tonstrina dicentes , Heptachalcum præsidio carere, & periculum esse ne ex ea parte urbs caperetur , Sylla renuntiarunt : qui contractas statim copias intempesta nocte in urbem induxit : & parum absuit , quin eam solo æquarit : certe cadaueribus, & cæde compleuit , ita ut Ceramicum sanguine redundaret. Insensus autem erat Atheniensibus ob dicta magis , quàm facta. Subsilientes enim in muris probris & maledictis illum & Metellam incessabant , Sylla est morum farina conspersum, & pleraque eius generis effuentes , oratione re leuissima , grauissimam poenam, ut ait Plato, contraxerunt. Romanam Remp, Neronis tyrannide liberari , unius hominis garrulitas prohibuit. Vnica enim supererat nox qua præparatis omnibus tyrannus interficiendus erat: cum is qui eum erat interempturus , profectus est in theatrum : ubi conspiciatus pro foribus quendam eorum qui in uinculis habebantur, mox ad Neronem deducendum , & uicem suam conquerentem , propius ad eum accessit , & insusurrans in aurem , Precare, inquit , deos ut dies hic tantum prætereat : cras enim mihi gratias ages: Hic igitur cum

cùm obscure indicatum arripuisset : & , ut arbitror , cogitasset,

Desipere hunc qui incerta petens iam certa reliquit.

Certam salutem iusta anteposuit : Indicauit enim Neroni uocem hominis : qui raptus est statim sublimis, & tormenta, ignis, uerberaq; admoti ei necessitate urgente neganti , quæ sponte indicarat. At Zenophilosophus ne corpus uictum cruciatus se inuito infandum aliquid proderet, excisam linguam in Tyrannum expuit. Egregium profectò silentij præmium Leana tulit. Ea erat Harmodij & Aristogitonis amica, spe ut mulier coniurationis in Tyrannos particeps. Etenim præclaro illo cupidinis poculo inebriata fuerat , & arcanis mysterijs diuino numine initiata. Itaque cùm spe frustrati extremo supplicio affecti essent , & quæstio de ea haberetur, iubereturq; adhuc latentes prodere , non prodidit , sed uim tormentorum pertulit : ostendens homines indignum se nihil admisisse, qui eam amassent. Ceterum Athenienses Leanam elinguem ex ære ductam, pro foribus arcis collocarunt : ut animalis fortitudine inuictum eius animi robur, & lingue priuatione , silentium significarent. Nulla enim expressa uox perinde profuit, ac pleraque suppressa. Nam dicere licet, quod

quod tacuerimus : non autem tacere , quod dixerimus : quandoquidem effusum est, & ad plures permanauit. Proinde homines (arbitror) dicendi, deos uerò tacendi magistros habemus, in quorum sacrificijs & mysterijs silentium facimus. Sanè poëta facundissimum Vlysses silentij tenacissimum facit : & filium eius, & uxorem, & nutricem : audis enim dicentem,

Non secus ac fortis quercus ferrum ue tenebo.
Ipse uerò Penelopæ assidens,

Vxoris charæ lacrymas, miseretur apud se,
Ipsi non aliter quàm ferrū aut cornua stabant
Palpebris oculi immotis. Ita refertum erat eius
os undecunque silentio : & ratio nacta reliquas
partes morigeras oculorum lacrymas, linguæ sonum,
& cordis tremorem, ac latratum comprimebat.

Perturbati animi tolerabat fortiter æstum.
Eiusmodi plerique sociorum eius fuerunt. Eo enim ipso quod torti, & terræ allisi à Cyclope, neque prodiderunt Vlysses, neque indicarunt torrem illum ambustum, & instrumentum aduersus oculum præparatum : sed uiui deuorari maluerunt, quàm arcani quidquam efferre, ad summam fidei & silentij nihil reliqui fecerunt. Proinde rectè Pittacus Aegyptiorum regi qui uictimam ei miserat,
& iusser

Et iusserat ut praestantissimam & deterrimam eius carnem exemptam mitteret, linguam exemptam quasi potissimum aliquod bonorum, & malorum instrumentum, misit.

Et Euripidea Ino liberius de se loquens hoc sibi tribuit ut teneat.

Loqui cum tutum est, ac tacere cum est opus. Educationem enim re uera regiam consecuti, priore loco tacere, posteriore, loqui discunt. Quamobrem cum à rege illo praestantissimo Antigono quaereret filius, quando commissuri essent praelium. Quid, inquit, uereris ne solus tubam non audias? non credidit ei uocem tacendam, cui regnum erat relicturus. In quo docebat eum, linguam cohibere, & arcana continere. Metellus quoque senex tale aliquid in exercitu interrogatus, respondit, Si existimarem tunicam esse mihi consciam huius arcani, exutam eam in ignem conijcerem. Eumenes autem cum audisset Craterum aduentare, nemini amicorum indicauit: sed Neoptolemum esse mentitus est. Hunc enim milites despiciebant, illius uerò nomen suspiciebant, & uirtutem amplectebantur. Cuius rei nemine conscio congressi, uicerunt: eumq; cum inscientes interfecissent, mortuum agnouerunt. Ita uictoriam silentio consecutus est, & talem aduersarium dissimul

simulauit, ut amici non præmoniti mirarentur magis, quàm indignarentur. Quòd si quis indignaturus erat, præstabat conqueri seruatum non commisso arcano, quàm eodem credito pereuntem, accusare. Verùm enim uerò qua fiducia quisquam reprehendat eum, qui suæ fidei credita non continuit? Nam si sermonem occultum & ignotum esse oportebat, temerè alijs commissus est. Quòd si secretum à te amissum in alio contines, prodita tua ipsius fide in alienam confugisti. Ac si ille tui similis fuerit, meritò perÿsti: sin melior, immerito conseruariis: Vtpote qui alium teipso tibi fideliorē nactus fueris. At hic, inquires, est mihi amicus: & illi uicissim alter, cui perinde fidem habet, atque ego huic: & ille item alteri, ac ita contexta perpetua serie incontinentia, sermo uires colligit, & multiplicatur. Quemadmodum enim Μόνας non egreditur suum terminum, & unum semper est, itaque uocatur Μόνας: Δύας uerò est infinitum differentie initium: confestim enim duplicata multiplex efficitur, & naturam suam immutat. Ita etiam sermo qui penes primum remanet, re uera secretus & occultus est: quum uerò ad alterum permanauit, rumoris nomen sortitur: uerba enim πῖσος ῥῆμα poeta appellat, hoc est pennata. Nam neque auem è manibus emis-

b sam

*sam iterum comprehendere facile est : neque uerbum emissum cohiberi , aut colligi potest : sed fertur celeriter , alas circumferens , ab alijs in alios propagatum. Sane nauis à uento abreptæ impetum rudentibus & anchoris retinent , ac tardant : Oratio uerò quasi è littore excurrrens , nullo in portu acquiescit , nec ferreis ullis armamentis retinetur : sed strepitu multo & sono incitata erumpit , & in magnum graueq; periculum demergit eum qui protulit. Exigua enim ex facula Idæum promontorium aliquis incenderit : & uni homini uerba facta omnes ciues audire poterunt. Romani senatores deliberabant inter se complures dies , de re quadam arcana : de qua cum obscura esset , & uaria hominum suspicio , mulier alioqui pudica & modesta , mulier tamen , marito suo incumbibat , etiam atque etiam rogans , ut hoc arcanum sibi discere liceret : iureiurando silentij fidem obstringebat , diris se deuouebat , addebat & lacrymas , conquerens sibi nullam apud eum esse fidem. Tum Romanus captans occasionem reprehendende eius amentiae , uicisti , inquit , ô uxor. Audi igitur terribile portentum. Renuntiatum est nobis , à sacerdotibus uisam esse coturnicem uolantem , quæ galeam auream , & hastam gestaret : dispicimus nunquid sinistrum aut prosperum ex
hoc*

hoc ostento portendatur, & unà cum auguribus
hasitamus. Verùm heus tu, uide ne palam facias.
Quo dicto profectus est in forum. Illa autem pro-
uocatura ad percontandum primam ancillarum,
quæ ingressa erat, tundeat pectus suum, & ca-
pillis uellebat, inquit. Hei mi uir. Hei patria
quid passuri sumus? Quibus omnibus ancillam
docere studebat, quærere quid accidisset. Itaque
sciscitanti narrauit, & addidit uulgarem & usi-
tatam in omni loquacitate clausulam, Nemini di-
xeris: nec anteuertit ancillulam quæ ab ea ab-
scesserat: statim enim alij ancillæ, quam otiosam
nouerat, rem totam narrat: illa quoque amatori,
qui apud eam erat, retulit. Ceterum ita deuoluta
in forum fabula, ut fama autorem præcurre-
rit, obuiam illi factus familiarium aliquis, ait, Mo-
dò ne domo ad forum descendis? modò respondit.
Nihil ne igitur audisti? quid noui obtigit? Cotur-
nix uolans uisa est gestans auream galeam, &
hastam, & consules hac de re senatum habituri
sunt. Tum ille ridens, Magnam, inquit, celerita-
tem uxor adhibuisti, siquidem me in forum profi-
ciscentem uox tuæ fidei credita anteuertit, ac
Consules aggressus eos perturbatione liberauit.
Vxorem autem castigans, simul atque domum re-
uersus est, Perdidisti me, uxor, inquit: deprehen-

sum enim est hoc arcanum ex domo nostra elatum esse foras. Proinde ob incontinentiam tuæ linguæ patria mihi cedendum est. Illa primum inficiatione se tueri, & dicere, Non ne eadem hæc cum trecentis audisti? cum quibus trecentis inquit: coactus à te hoc commentus fueram, ut te pertentarem. Hunc in modum tuto & citra magnum periculum, uxoris periculum fecit, imitatus prudentem patrem familiars, qui in uas cariosum non uinum, aut oleum, sed aquam infundit. At Fuluius Augusti Cesaris familiaris, cum audisset eum iam etate prouectum de solitudine domus conquerentem, propterea quod duobus nepotibus suis uita defunctus, & posthumus, qui supererat, calumnia quadam exulante, uxoris filium imperij successorem instituere cogeretur, ac proinde animi discrucietur, cogitaretq; de reuocando ab exilio nepote, hæc omnia uxori suæ narrauit: illa Liuiæ: Liuiæ autem acerbè cum Cesare exposulauit: Quandoquidem si iam olim hoc statuisset, non tam reuocaretur nepos, quàm inter eam & imperij successorem simultas & contentio excitaretur: postridie quum adisset eum Fuluius, ut solebat, & dixisset, Saluus sis Caesar: respondit, Sanus sis Fului. Quod cum ille secum reputasset, discessit statim domum profectus:

& uxore

Et uxore accersita, Resciuit, ait, Cæsar me non continuisse arcanum, ac propterea mortem mihi consciturus sum. Cui uxor, Et merito sanè, quippe qui tandiu mecum uersatus, neque noueris incontinentiam meam, neque caueris. Verùm sine me mihi priorem manus adferre: Et arrepto gladio prior sese interfecit. Rectè igitur Philippides comicus, cui rex Lysimachus eum amanter complexus dixit, Quid rerum mearum tibi impertiam? Quiduis, inquit, ô rex: modò ne quid arcani. Garrulitati curiositas non leuius uitium inest: multa enim audire cupiunt, ut multa referre possint: Et occultissima, maximeq; arcana obambulantes indagant, Et percontantur: ijsque tanquam uetusta quadam materia nugacitatem onerant. Deinde quasi pueri glaciem, neque tenere, neque relinquere uolunt. Imo potius tanquam serpentes admissa in sinum, Et concepta uerba arcana, non continent: sed ab ijs abroduntur. Acus enim Et Viperas parientes disrumpi aiunt: arcana quoque uerba temerè effusa exitium Et perniciem non continentibus afferunt. Seleucus cognomento Callinicus, amissis omnibus copijs, Et impedimentis in prælio cum Galatis commissis, Et abiecto suo diademate fugiens cum tribus, aut quatuor per inuia Et implicata erroribus loca

contentissimo equi cursu, iam fame deficiens in uillam quandam appulit: eius dominum forte fortuna nactus, panem & aquam poposcit: qui humanissime excipiens, & non solum ea, sed etiam quicquid in agro suppetebat liberaliter exhibens, regem agnouit: & gaudio cumulatus ob tam inopinatum rei tam faustæ euentum, non se continuit nec dissimulauit cum eo qui latere uolebat: sed ad uiam usque comitatus, & dimittens, *Vale, inquit, rex Seleuce.* Tum rex porrexit illi dextram & ad se attraxit, quasi osculaturus. & uni comitum innuit ut gladio ceruicem illius abscinderet.

Pulueribusque statim ceruix commissa loquētis. Quod si tacuisset, & aliquantulum temporis expectasset, uberius meo iudicio premium reportasset ex silentio, quàm hospitalitate. Huic tamen spes beneuolentiæ regiæ, iusta quodammodo occasio rumpendi silentij esse uidebatur. Verùm plerique garruli nulla ratione adducti, seipsos temerè perdunt: qualis fuit tonsor ille, qui cùm in constricta quadam uerba fierent de Dionysij tyrannide, & existimaretur adamantina, & inuicta, ridens, inquit, *Mirum profectò est isthac à uobis de Dionysio dici, cuius in iugulo sapissime nouaculam teneo.* Quæ cùm audisset Dionysius, in crucem ipsum

ipsum sustulit. Et sanè meritò. Loquax est tonsorum genus: Loquacissimi enim quique ad eos conueniunt, & ibi desident, ita ut consuetudine inficiantur. Festinè enim rex Archelaus tonsori circumponenti linteam, & roganti, Quomodo te radam? respondit, Tacendo. Tonsor quoque insignem illam cladem ab Atheniensibus in Sicilia acceptam renuntiavit. Cùm enim primus eam audisset, ex seruo alicuius eorum qui fuga euaserant, relicta officina in urbem cursu contendit: ne secundum locum occuparet, & allati huius nuntij gloriam quis illi præriperet. Orta perturbatione, ut par fuit, populus in unum locum coactus autorem huius rumoris inquirebat. Adducebatur igitur tonsor, & interrogabatur. Qui cùm nomen eius, à quo acceperat, ignoraret, ac autorem citaret hominem sibi nomine ignotum: nulla alia uox in commota concione audiebatur, quàm, Abripe ad quæstionem, torque tristissimi nuntij autorem: confinxit hæc, & commentus est: quis alius audiuit? quis illi renuntiavit? Allata est rota, extensus est homo. Dum hæc geruntur, adsunt cladis nuntij. Itaque omissa hac quæstione, dilapsi sunt domos singuli, ad priuatas calamitates lugendas, & miserum rote alligatum reliquerunt. Tandem cùm sub noctem solueretur, interrogabat ministrum

strum publicum , num audisset , quo modo Nicias dux exercitus interijisset : tanta est uis huius uitij consuetudine confirmati , ut neque expugnari, neque emendari prorsus queat. Ac sanè quemadmodum qui amara & male olentia pharmaca biberunt, indignantur & ipsis cyathis : ita etiam qui infausta nuntiant, audientibus inuisi fiunt, & odiosi. Et rectè quasiuit Sophocles cum dixisset Creon,

Molestus est sermo iamdudum tuus,

Aures ne mordet, an animum potius tuum?

CREON. Quorsum id requiris , dolor ubi me commouet? NVNTIVS.

Discruciat autor sceleris animum, aures ego. Faciunt igitur dolorem uerba , perinde atque res & facta : ueruntamen lingua profluens contineri & coërceri non potest. Lacedamone templum chalciacum direptum fuit : in quo reperta est lagena uacua : de qua cum magna esset controuersia, inter quàm plurimos qui eò conuenerant , quidam adstantium ait , Equidem nisi molestum est paucis exponam quid de lagena coniectem. Opinor sacrilegos cum in hoc periculum se conijcerent, aconitum bibisse, & secum attulisse uinum , ut si latere possent, mero epoto uenenum diluerent , ac extinguerent, & discederent incolumes. Quòd si depre

deprehenderentur, ante tormenta à ueneno facile, & sine dolore necarentur. Cùm hæc referret uidebatur non suspicari, sed rem perspectam habere, qui tam implicatum, & callidum commentum teneret: & undecunque circumstantes eum rogabant, Quis tu es? Quite nouit? Vnde hæc tam exacte sciisti? ac tandem ita deprehensus sese unum esse sacrilegorum fassus est. Quid? non ne qui Ibycum interfecerant eodem modo sceleris conuicti sunt, quum in theatro sederent? conspectis enim gruibus præteruolantibus mutuo inter se cum risu susurrabant, En Ibyci ultrices. Quam uocem proxime assidentes, quia Ibycus diu iam pridem quasitus nusquam appareret, diligenter exceperunt, & ad magistratus detulerunt. Illi uerò ita comprehensi, abducti sunt, & non à gruibus, sed propriae linguae petulantia tanquam furia ultrice coacti cadem prodere, pœnas dederunt. Quemadmodum enim in corpore deferuntur & trahuntur humores proximi in ægra, & affecta membra: sic etiam lingua futilium perpetuò inflammata, & continuo arteriarum pulsu micans, tacenda atque occulta ad se attrahit, & adducit. Itaque linguae opponi & obijci semper oportet rationem, tanquam uallum, & obstaculum, ut illius fluxum & lubricum lapsum conti-

neat : ne anseribus imprudentiores esse uideamur : quos aiunt cum ex Cicilia migrantes Taurum aquilis refertum transmittunt , ori lapidem ingentem inferere , quasi frenum & retinaculum uoci adhibentes , atque ita noctu silentes transmittere. Quòd si quis quærat , quis sceleratissimus , & perniciosissimus sit , nemo alium respondeat , quàm proditorem. Euthycrates tamen ex Macedonicis lignis extruxit domum , ut Demosthenes ait : Philocrates accepta magna ui auri scorta & pisces emebat. Euphorbo & Philagro qui patriam prodiderant , rex agros concessit. Garrulus uerò nulla mercede proposita proditor est , & ultrò : non equos , nec muros prodit , sed arcana consilia effert : in iudijs , in seditionibus , in discordijs civilibus : nec illi quisquam hoc nomine gratiam habet : sed ipse potius gratiam alijs silentij nomine debet. Proinde quod dictum est ei qui temerè & inconsulto fortunas omnes suas effundebat , & largiebatur , Non es liberalis , sed morbo laboras , & donatione oblectaris : in garrulum quoque conuenit. Non amicus es , neque beneuolus , qui hæc indicas : sed morbo laboras , & garrulitate nugisq; oblectaris. Quæ nolim quisquam eo animo dicta esse à me existimet , quasi accusare garrulitatem , ac non potius curare uoluerim. Motus enim
animi

animi perturbatos exercitatione, & iudicio superamus : iudicium autem præcedit : Nemo enim uitare & eijcere animo solet, nisi quod est inuisum : actum demum inuisi motus animi perturbati nobis fiunt, cum incommoda & ignominias ab illis profectas ratione expendimus : uti nunc in garrulis consideramus, qui dum amari uolunt, odium incurrunt : dum gratificari student, interturbant : dum admirationem concitare sperant, deridentur : dum lucrum captant, nihil capiunt : obsunt amicis, prosunt inimicis, & sibi ipsis perniciem accersunt. Quamobrem primum hoc sit pharmacum, & medicamentum huius animi perturbationis, probrorum, & calamitatum quæ ex ea oriuntur, inspectio. Secundo adhibenda est assidua contrariorum meditatio : audiendæ, commemorandæ, & in promptu habendæ taciturnitatis laudes, & grauitas, sanctimonia, religioque silentij : & reuocandum est subinde in memoriam, admirabiliores, charioresq; esse, & sapientiores uideri, effrenatis istis, & linguæ impotentibus taciturnos, & breuiloquentes, quorum paucis uerbis graues multaq; sententiæ comprehenduntur. Plato enim tales laudat, & uehementibus iaculatoribus comparat eos, quorum oratio est acris, densa, & contorta. Et Lycurgus teneris statim ab

unguic

unguiculis ciues silentio premens, ad eam uehementiam adducebat, & condensabat. Quemadmodum enim Celtiberi, cum ferrum in terram defoderunt, & quod est terreum perpurgarunt, aciem gladiatorum ex eo conficiunt: sic etiam sermo Laconicus non est corticatus, sed superuacaneis reiectis, acutiori, & firmiori acie temperatur. Illa enim dexteritas iaciendi apophthegmata, & promptitudo aptè retorquendi in quouis congressu, illis ex silentio nascitur, & garrulis saepe occinendum est. Quantam uim, & gratiam hæc habeant, cuiusmodi est illud Lacedæmoniorum ad Philippum, Dionysius Corinthi: quibus cum rursus scripsisset Philippus, Si inuasero Laconicam regionem, uos penitus delebo. Rescripserunt, ΑΙΚΑ, id est, S I. Et cum rex quoque Demetrius stomacharetur, & uociferaretur, unum legatum Lacedæmonij ad me miserunt: Legatus nihil territus, unum respondit ad unum. Sanè ex ueteribus breuitatis studiosi sunt in admiratione. Et in templo Pythij Apollinis, non Iliadem, & Odyssæam, neque Pindari Pæanas, Amphyctiones inscripserunt: sed, Nosce te ipsum: Ne quid nimis: Sponde noxa præsto est: admirati prolixitatem & breuitatem orationis, quæ paucis sententiam elaboratam complectitur. Adde quòd Deus

ipse

ipse conciso, & presso sermone sua oracula edit,
& λοξίας à deuitata loquacitate, potius quàm
ab obscuritate uocatur. Quid? non ne qui mutis
symbolis quod opus est indicant, laudantur, &
summo sunt in pretio? ut Heraclitus, qui roga-
tus à ciuibus, ut sententiam aliquam de concordia
diceret, conscendit suggestum: cyathum frigida
sumpsit, cui farinam inspersit, & pulegium admi-
scuit, ac eo epoto abiit: innuens illis, pace concor-
diaq; firmissima eas ciuitates perfrui, quæ præsen-
tibus contentæ sunt, & sumptuosa non desiderant.
Scylurus Scytharum rex, octoginta liberos relin-
quens imminente morte fasciculum hastilium po-
poscit: quem colligatum, & collectum iussit sin-
gulos frangere, ac rumpere: quod cùm recusaf-
sent, ipse singula educens, omnia facile fregit, &
pronuntiauit, consensionem eorum potentem, &
inuictam fore: dissensionem uerò imbecillem, &
caducam. Hac atque huiusmodi si quis assidue re-
peteret, ac secum reputaret, desineret fortasse nu-
gacitate delectari. Me profectò seruus ille uehe-
menter mouet: dum cogito quanta res sit, atten-
dere quid loquaris: & constanter tueri, quod in-
stitueris. Publius Piso rhetor nolens obtundi præ-
cepit seruis, ut ad rogata responderent, & nihil
præterea. Paulo post conuiuio excepturus Clodium
imper

imperatorem, iusserat eum uocari: & cœnam
 splendidam, & magnificam, ut par erat, appa-
 rari curauerat. Cùm instaret tempus cœnæ, reliqui
 aderant, Clodius expectabatur. Itaque sæpe mit-
 tebat seruum inuitare solitum, ut exploraret num
 ueniret. Vbi uerò iam immineret nox, nec spes
 esset Clodium uenturum, Quid, ait ad seruum con-
 uersus, uocasti Clodium? Vocauit, inquit. Cur igitur
 non uenit? Et ille, Quia recusauit. Cur igitur non
 dicebas? Quia hoc ex me non querebas. Et hic
 quidem Romanus. Atticus uerò etiam inter fo-
 diendum narrabit hero, qua ratione controuersie
 diremptæ sunt. Tantum potest in omnibus consue-
 tudo, de qua nunc dicamus: Fieri enim non potest,
 ut quasi frænum moderantes loquacem continea-
 mus, sed morbus eius consuetudine domandus est.
 Primum igitur in familiarium colloquijs assuesce
 tacere, quoad omnes respondere desierint. Cursus
 enim & consilij non idem finis est, ait Sophocles:
 nec loquendi, & respondendi. sed illic quidem
 uincit, qui anteuertit: hîc uerò si alter aptè re-
 sponderit, præclarè cum eo agitur, qui collaudan-
 do, & comprobando beneuoli hominis opinionem
 sibi comparauit: sin minus, docere quod eum fu-
 git, & adijcere quod defuit candidum, & tem-
 pestiuum est. Imprimis cauendum est nobis, ne
 alio

alio quopiam interrogato responsionem occupemus. Nam non satis honestum est, neglecto eo cui quæstio proposita fuit, ultro se offerre: uidebimur enim indicare eadem opera interrogatum quæstioni non posse satisfacere: & interroganti exprobrare, quasi nesciat ab eo petere, à quo responsum ferre possit. Grauem sanè iniuriam infert talis in respondendo petulantia & audacia. Qui enim anteuertit respondendo, interroganti simul etiam refert, quid opus fuit ex hoc percontari? Quid hic nouit? me presente neminem alium interrogari oportuit. Ac plerunque aliquos interrogamus, non quòd egeamus responso, sed ut uocem aliquam beneuolam, & hilarem ab eis exprimamus: & ut Theætetum & Charmidem Socrates, ad colloquium eliciamus. Perinde igitur facit, qui responsionem occupat, & aures mentemq; ad se traducit, & conuertit, ac si ei qui uult ab alio sibi porrigi osculum, præcurrens porrigat: Aut si quis in alium intuentis oculos, in se detorqueat. Quòd si rogatus loquendi finem fecerit, percommode cadit ei qui se continuit, ut quasi responsione alterius pronocatus quæstioni propositæ modestè, & uerecundè respondeat. Nam si rogati respondendo fallantur, ueniam meritò consequuntur: Qui uerò sponte suscipit & præripit respondendi

dendi partes, etiam si scopum attingat, imprudens habetur: si aberret ab eo, ludibrio est, ac omnibus risum mouet. Altera deinde exercitatio uersatur in responsionibus priuatis: quibus studiosissimè animum intendere garrulus debet. Primum ut eum serio respondere intelligant, qui ad loquendum, risus & contumelia causa prouocant. Plerique enim non necessariò, sed animi & lusus causa, excogitatas quæstiones his proponunt, & eos ad garriendum extimulant. Quod diligentissimè cauere illos oportet, nec in orationem statim quasi gratiam habeant, erumpere, sed percontatoris mores, & necessitatem inspicere. Caterùm ubi quis re uera discendi gratia consulere uidebitur, ita se comparent, ut accuratè consyderent, & interijciant aliquod interuallum inter responsionem & interrogationem: in quo percontator siquid uelit addere, possit: & ipse animaduertat de quibus responsurus sit. Ac ne excurrat, neque se quæstione implicet, ne præ nimia festinatione aliud pro alio sæpe respondeat. Pythia sanè ante interrogationem quædam responsa ex tempore edere solita est: Deus enim, cui seruit, mutum intelligit, & tacentem audit. Verùm ei qui uult aptè respondere, mens rogantis percipienda est, & propositum diligenter explorandum, ne illud fiat quod

quod prouerbio fertur, Falces petebam, at hi ligo-
 nes denegant. Maximè uerò impetus ille, & insa-
 tiabilis loquendi cupiditas inhibenda est, ne ueluti
 profluium lingue insitum libenter ab interroga-
 tione educi uideatur. Etenim Socrates hac ratione
 sitim coërcebat: non permittebat sibi post exerci-
 tationem bibere, nisi pocillator primum cadum
 alijs infudisset: ut consuetudine doceretur pars
 ratione carens, expectandum esse tempus, quod
 ratione utens præscripsisset. Itaque tria sunt gene-
 ra responsonum ad interrogationes: unum neces-
 sarium, alterum humanum, tertium superuaca-
 neum. Vt cùm quæsitum est ab aliquo, num So-
 crates sit intus? Vnus quidem inuitus & remissè
 respondet, Non est intus. Quòd si Lacedæmonios
 imitari malit, detrahet INTVS, & sola nega-
 tione utetur: non secus ac illi, cùm Philippus per
 literas petisset, Num eum admittere in ciuita-
 tem uellent? Ad eas OY, id est, NON, gran-
 dioribus characteribus in charta depictum rescri-
 pserunt. Alter autem humanius respondebit, Non
 est intus, sed ad mensas. Ac siquid uelit ad iustum
 modum addere, Hospites quosdam illic oppe-
 riens. Qui uerò loquacitate diffluit, si forte An-
 timachum Colophonium legerit, Non est intus,
 inquit, sed ad mensas, hospites Ionès opperiens: in

quorum gratiam Mileto ad eum Alcibiades scripsit: ubi uersatur cum Tissapherne magni regis praefecto, qui Lacedamonios quondam iuuabat: Nunc autem opera Alcibiadis Atheniensibus adiungitur: cupiens enim redire in patriam, Tissaphernem in partes Atheniensium traducit, Et differens totum octauum librum Thucydidis recitabit, & obruet hominem, quoad Miletus oppugnetur, & Alcibiades iterum in exilium fugiat. Ac uidendum est maximè, ut uelut in uestigium inducta interrogatione contineatur loquacitas, & interrogantis utilitate tanquam centro, & certo spatio, responsio circumscribatur. Ad Carneadem enim nondum magna cum laude in gymnasio differentem, gymnasiarcha misit quendam, qui iuberet eum contentionem uocis remittere; erat enim maximè uocalis. Et cum ille diceret, Praescribe mihi modum uocis, Non inscite respondit, Praescribo tibi eum quæ cum differis. Eodem modo respondenti modus esse debet, rogantis consultatio. Et quemadmodum Socrates praecipiebat, abstinere ab eo cibo & potu qui non esurientes nec sitientes ad edendum & bibendum prouocant; ita etiam oportet garrulum ab ijs quibus impense delectatur, & ad satietatem utitur, eas reformidare: & illis, qui in eos delabun-

tur,

tur, aduersari: ut milites prælia libenter commemorant: & poeta Nestorem eiusmodi inducit, ut res à se præclare gestas sæpenumero prædicet. Atque etiam hic morbus ut plurimum corripit, & comitatur eos, quibus præter spem apud iudices, præsides, & reges feliciter successit: & frequenter meminerunt, & narrant quomodo exorsi sint, beneuolentiam captarint, certarint, disceptarint, aduersarios quosdam refutarint, aut accusatores, & quantam laudem sint consecuti. Hæc enim uoluptas est multo loquacior uigilia illa comica, quæ seipsam frequenter refouet, & quotidianis narrationibus semper recens efficitur. Vnde ex quacunque occasione in hos sermones delabuntur. Non enim solum ubi quis dolet, ibi & manum habet: sed etiam quicquid delectat, uocem ibi habet: & dum suauis recordationi perpetuo innititur, linguam circunagit. Eodem etiam modo amatores diutissimè uersantur in ijs sermonibus, ex quibus in amorum memoriam redeunt. quiquidem si non cum hominibus, certè cum rebus inanimatis de illis colloquuntur: O amantissime lecte. & Bacchis te Deum existimat fortunate Lychne. & Deorum summus uideris. Est igitur plane alba linea erga omnes sermones garrulus. Caterùm in alios alijs propensiores eos uitare conuenit, ac

seſe inhibere, & ab eis continere: quòd longiſſimè promovere, & prouehere præ uoluptate poſſunt. Idem hoc in his ſermonibus uſu uenit, in quibus uel experientia, uel habitu aliquo ſeſe alijs præſtare credit. Cùm enim ſui ſit amans, & gloria cupidus, maximam diei partem huic rei tribuit, ut ſuperior ſemper diſcedat. In hiſtorijs lector cupidus, in exacta uerborum obſervatione Grammaticus, in narrationibus rerum externarum qui multas regiones adiit, & perlūſtrauit. Itaque hæc quoque uitanda ſunt: Ineſcata enim ab his garrulitas tanquam animal in paſcua conſueſta irruit. Admirabilis proſectò Cyrus, qui certabat cum aequalibus, non in quibus erat præſtantior, ſed deterior, & imperitior: ut alios ſua gloria non ureret, ac diſcendo utilitati ſuæ conſuleret. Garrulus contrà, ſiquis ſermo inciderit, ex quo aliquid diſcere poſſit, & quod ignorauit audire, eum extrudit, ac expellit: nec breue ſilentium mercedis loco præbere poteſt, ſed circuncuſans in rancidos, & ſæpe tritos centones orationem conſert: non aliter quàm quidam ex noſtris, qui cùm fortè duos, aut tres libros Ephori legiſſet, omnes obtundebat, & omnia conuiuia perturbabat, Leuctricam pugnam, & quæ eam proximè conſecuta ſunt ſemper repetens: unde Epaminonda cognomen

men inuenit. Verùm enimuero leuiſſimum eſt hoc malum, & eò garrulitatem impellere oportet: minus enim moleſta erit redundans loquacitas in homine bonarum literarum ſtudioſo. Proderit quoque illis, aliquid ſcribere, & priuatim diſputare. Nam Antipater Stoicus cùm non poſſet, (ut uidebatur) nec uellet congregi comminus cum Carneade, qui magno impetu in Stoicos inuehebatur, ſcripſit pleroſque libros, in quibus paſſim eum refellebat: unde cognominatus eſt Καλαμοβοάς, id eſt, calamo uociſerans. Nec dubito, quin umbratilis ſcribendi exercitatio, & diſputatio priuata, de immoderata uerborum copia aliquid quotidie detrahentes, eum tandem multo tolerabiliorẽ familiaribus prabeant: perinde atque canes, qui in ligna uel lapides iram effuderunt, hominibus minus ſunt infeſti. Non inutile etiam fuerit, cum potentioribus & maioribus natu aſſiduè uerſari, quorum autoritatem & amplitudinem ueriti, tacere aſſueſcent. Admiſceri quoque & adiungi his exercitationibus oportet, contentionem illam animi, & conſyderationem, ubi aliquid locuturi ſumus, & uerba ad os confluunt: Quod nam eſt hoc uerbum, quod inſtat, & uim adfert? quo lingua fertur? quid inde commodi conſequetur, ſi dixero? quid incommodi, ſi tacuero? Non

enim quasi onus aliquod graue , oratio obijcienda est : quandoquidem etiam elata permanet. Verum homines aut sua gratia quòd aliquid desiderent, aut ut auditoribus profint, aut ut gratiam inter se incant loquuntur : & oratione tanquam sale consuetudinem & actiones omnes suas condunt. Quod si neque loquenti est utilis , neque auditoribus necessaria , neque uoluptas ulla aut gratia ex ea queritur , quid ea opus est ? Superuacaneum enim & inane non minus in uerbis , quàm rebus ipsis deprehenditur. Postremò præter hac omnia illud Simonidis in promptu esse, & in mentem uenire debet, Poenituit me saepe locutum esse, tacuisse uerò nunquam : & exercitationis tantum esse uim , ut ea superari difficultates omnes possint: Cum præsertim singultum & tuſsim homines adhibita cura , & diligentia non sine labore, & cruciatu depellant. Silentium uerò non solum siti obſtet, ut ait Hippocrates, sed etiam nullum dolorem aut molestiã exhibeat.

FINIS.

PLVTARCHI
CHAERONEIORA-
TIONES DVAE
DE
ESV CARNIVM.

LODOICO RVSSARDO
INTERPRETE.

c 4

CLARISSIMO VI-

RO THOMAE HOVSSYEO,

PRIMARIAE BITVRIGVM

*Ecclesiae canonico Lo-**doicus Russar-**du s.*

T singularis meæ in te uoluntatis, & obseruantia monumentum aliquod extet, eruditas hæc & acutas Plutarchi oratiunculas, de Græcis Latinas factas, in tuo nomine apparere uolo. Quæ si quibus minus exactè conuersæ uidebuntur, hoc etiam atque etiam ab illis postulo, ut priusquam quidquam statuant, Græca attentè legant, & transferre conentur. Ita enim futurum est, ut deprehendant, præter obscuram phrasim, quæ huius auctoris propria est, iniuria temporum, & imperitia librariorum infinita menda huc irrepsisse: neque fuisse facile tabulas huius naufragii passim disiectas ita colligere, ut nihil desyderaretur. Ac tum placatioribus æquioribusq; usum me spero. Cogitent quoque & illud, me Ciceronis consilium secutum, non uerbum pro uerbo necesse habuisse reddere, sed genus omnium uerborum uimque seruasse. Non enim ea me annumerare lectori putauì oportere, sed tanquam appendere. Tametsi quo mihi anxiam istam defensionem? ea præsertim ex aduerso difficultate obuia, ut etiamsi maximè fidelem interpretem præstiterim, tamen non desit quod apud maleuolos,

los, & calumniatores, potissimum imperitos, reprehensionem incurrat. Vnum tamen me consolatur, quod id mihi negotii dari nunquam credidi, ut illis placerem: sed tibi, & peritis, æquisq; rerum æstimatoribus. Quod si assequor, nihil ieiunas calumnias morabor, nec illis prohiberi potero, quo minus à Iurisprudencia manumissus, quæ me totum sui mancipii fecit, plura & maiora in apertum proferam. Vale: Auarici Biturigum, Cal. Iunii. 1553.

PLVTARCHI
CHAERONEI DE
CARNIVM ESU PRIOR
ORATIO.



P NIM VERO quæris, quæ ratione Pythagoras ab esu carniū abstinuerit. Mihi uerò mirum uidetur, quis eius affectus, animus, aut ratio fuerit, qui primus hominum cæsi & mortui animalis carnes labijs admouerit: & in conuiuia intulerit cibos, obsoniaque concinnata ex corporibus mortuis, simulachrisque, ac ut ita dicam, membris quæ non multo antè mugiebant, uocem edebant, mouebant, & cernebant: quo pacto
c s ocul

oculus intueripotuerit cadem, dum ingulabantur, tergora diripiebantur, & in frustra secabantur: quo pacto gustatus fœditate tractandorum ulcerum alienorum, & hauriendi succi, tabique vulnerum latalium non est deterritus.

Serpebantq; solo pelles, uerubusq; trementes,

Assata, & crudæ carnes mugitibus arua.

Replebant, uelutiq; boum uox fertur ad aures.

Hoc sane commentum & fabula est.

Ceterum quis cœnam huius re uera prodigiosam esse negauerit, qui pecoribus adhuc mugientibus eam sibi instrui postulat? quæ alendo corpori sint aptissima designat? & qua arte conueniat torreri, & disponi fercula præscribit? Istum oportebat inquirere à quo hæc primum instituta essent, non tandem sublata. Sanè reiecerit aliquis culpam in eorum inopiam, qui primi uesci carnibus aggressi sunt. Non enim cupiditatibus improbis assuefacti, neque copia rerum omnium in uoluptates à natura alienas prolapsi, animo inferendæ iniuriæ huc rerum deuenerunt: sed ab inferis nunc excitati exclamarent, O uos fortunatos & alijs charos, quum fœlici seculo nasci contigit, quo uberri-
ma bonorum omnium copia fruimini! Quot fructus sponte natos & uestro labore confitos percipitis! quantas opes arua, quantas uoluptates stir-
pes

pes suppeditant ! facile est vobis uitam molliter exigere, ac ita exigere, ut nulla cade polluamini. Nos uerò in durissimam & iniquissimam ætatem incidimus, qua magna grauique penuria ob conditi nuper orbis initium laborare necesse fuit: Adhuc calum aëre tegebatur: astra humori turbido, & instabili igni, turbinibusque uentorum confusa erant: & nondum definitum stabilibus ac immotis spatijs curriculum solis, qui nondum certa illa cade consistebat: nec auroram discernebat & occasum: nec retro conuersas anni tempestates frugiferis calycis coronis denuò circumducebat: Terra cursibus errantium fluuiorum uexabatur, pleraque eluuiionibus deformabantur, non pauca uoraginibus, paludibus profundis, & infrugiferis nemoribus syluisque efferabantur. Nulli mites fructus nascebantur, nulla erat ars agrorum colendorum, nulla rei familiaris prudenter administrandæ disciplina: fames assidue nos urgebat, neque statis anni temporibus semina spargebantur. Quid igitur mirum si præter naturam carnibus animalium non abstinnerimus? cum limo & arborum corticibus uesceremur? & præclare cum eo actum putaremus, qui uel gramen, uel radicem aliquam Phlæi reperisset? Quòd si quando glandem illis gustasse contigisset, saltabant

bant præ nimia uoluptate circum quercum aliquam, aut fagum, eamque rerum uitæ necessariarum largitricem, & parentem, & altricem subinde appellabant. Ita enim tum agebant dies festos. Reliqua uerò uitæ pars in carniū ulceribus tristissima peragebatur. Verum enim uero quæ insania, quod'ne cæstrum ad fœdam impuramque cædem uos compellit, cum res omnes affatim & cumulatè suppeditent? Cur terræ calumniam intenditis quasi uos alere non possit? Cur legum autorem Cererem uiolatis, & miti placidoq; Baccho notam inuritis, quasi uobis ab ijs uberes satis copię non suppetant? Non uos pudet sanguini & cædi fructus mites in epulis uestris quotidianis admiscere? Atqui Dracones, Pardos, Leones immanes appellatis: Vos autem cæde contaminatis, nec illis crudelitate conceditis. Illi enim cædem faciunt ut pascantur: Vos autem ut lautius obsonemini. Neque uerò lupis aut Leonibus uescimur, sed eos missos facimus, & innoxia, mansueta, aculeorum dentiumque expertia animalia interimimus: quæ medijsfidijs natura ad ornatum & speciem procreasse uideri potest. Nimirum perinde facilis, ac si quis Nilum conspicatus cum auctu magno per totam spatiatus Aegyptum terræ fœcundus innatat, uim ad gignendos & alend

Et alendos fructus suauissimos uitæque mortali-
um oportunissimos efficacem non admiretur, sed
hoc nomine reprehendat, quòd Crocodilos, Aspi-
des Et culices, fera tetraque animalia gignat.
Huic non ualde dissimilis est, qui terram istam
intuitus, Et agrum fruges copiosas proferentem,
Et spicas infinitas fundentem, deinde uspiam in-
ter fruges Et spicas lolium Et orobanchen, illa
metere Et in usum suum reponere negligit, de his
uerò grauitè conqueritur. In hunc quoque nume-
rum est referendus, qui orationem legit, qua uim
omnem dicendi Et ornatum adhibuit orator, ut
periculis reum eriperet, aut argumenta refelle-
ret, ac sceleratè facta accusaret: quæ non leni-
ter ac placide flueret, sed magno uariorum ac o-
mnis generis affectuum impetu, in multos Et ua-
rios auditorum iudicumque animos irrumperet,
quos concitare Et mouere, aut sedare Et lenire
oportet. Ac deinde prætermissa diligenti capitis
causæ Et rei controuersæ inquisitione, tantum
excerpit non satis scitè conclusas aliquas periodos:
quas tamen ab oratione præcipiti una incitatione
denolutas, Et cum reliqua orationis copia quasi
ab actore quopiam populari effusas esse non igno-
rat. Sed nihil est quod nos reuocet: non florida
coloris species, non suauissima uocis oratio, non
animi

animi uersutia, non munditia in uictu, non insignis infortunatorum animalium solertia: sed caruncule exiguae cupiditate inflammati, animum sole, luce, & definito à natura uitæ tempore spoliamus. Nobis uerò persuademus, uoces eorum nullius esse rei iudices, non precari, non rogare, non hanc defensionem asferre, Neceſſitatem haud deprecor, sed iniuriam: neceſſitati tuæ subseruire haud recuso, sed luxui: Ut uestaris, iugula: ut lautius & iucundius uestaris, ne iugula. O crudelitatem intolerandam. Graue quidem est cernere locupletibus hominibus mensam instrui, qui coquos ad paranda & concinnanda ex cadaueribus opsonia adhibent: Multo uerò est grauius, uidere fercula tolli: Plura enim supersunt, quàm sint consumpta. Frustra ergo ista interierunt. Nonnulli quoque tametsi appositis epulis abstinent, nec patiuntur carnes quasi deprecantes diuidi ac dissecari, à uiuistamen manum haud continuerunt. Ceterum audiuiſimus quosdam ita se tueri, ut carnis esus initium à natura esse profectum contendant. At eum naturæ non conuenire, corporis constitutio primum arguit. Corpus enim hominis nulli eorum simile est quibus à natura insitum est carne uesti: Non inest illi rostrum aduncum, non ungues acuti, non asperi dentes, non alius tanta
 ui præd

ni præditus, non spiritus tam calidus ut concoque-
re graues carnes possint: sed æquales dentes, os
exiguum, lingua mollis, & imbecillus ad conco-
quendum spiritus, interdictum nobis à natura
carnis esum satis indicant. Quòd si natum te ad
hunc cibum contendere audes, quod edere uoles
ipse interfice, non adhibito gladio, aut imitatus
lupos, ursos, leones, qui interfectis à se animalibus
pascuntur interime morsu bouem, uel ore suem,
agnum, uel leporem dilania: & illorum instar
uiuò adhuc incumbens uescere. Sin expectas mor-
tem eius, quod tibi comedendum est: ac religione,
pudoreque prohiberis, quominus animo corpus pri-
ues, cur à natura tam procul aberras, ut anima-
tis non parcus? At ne ipsa quidem mortua &
exanimata usui esse possunt & cibo, sed assari,
elixari, & igne pharmacisque interpolari oportet,
ac sexcentis condimentis cædis immanitatem
tolli, ut delusus gustus escas sibi aliqui ingratas
non fastidiat. Ac sanè falsum est illud Laconis, qui
emptum in diuersorio pisciculum cauponi dedit, ut
appararet: Cum autem ille posceret caseum, ace-
tum, & oleum: inquit Lacon: si hac haberem,
non compararem piscem. Nos uerò in ista nefa-
ria cæde adeo delitias facimus, ut carnem appelle-
mus opsonium, & ad eam opsonia alia adiunga-
mus:

mus : oleum , uinum , mel , garum , acetum , admisceamus & unguenta Assyria & Arabica , quasi cadauer aliquod humanum tumulo componere nobis propositum sit . Et ista quidem tanta cura subacta , domita , & penè putrefacta , uix ac uix concoquendo superare possumus : Et tametsi superemus , grauitatem molestam , ac cruditatem morbis obnoxiam pariunt . Diogenes sanè nihil ueritus est crudo polypo uesci , ut ignis usum in apparatu tam frequentem quasi minime necessarium tolleretur . Cum autem sacerdotes & copiosa hominum turba eum circumstarent , obuoluit caput pallio , & carnem ori admouens ait , Vestro nomine periculo me offero . Præclarum si dijs placet periculum . Non enim ut Pelopidas Thebanos in libertatem asserturus , uel ut Hiarmodius & Aristogiton ciues suos tyrannide liberaturi , in discrimen se coniiciebat philosophus , dimicans cum polypo crudo , ut uitam ad feritatem traduceret . Non tantum igitur esus carniū à natura alienus est : sed etiam animum . satietate & ingurgitatione pinguefacit . Vinum enim , & ingesta carniū copia ad robur quidem corporis conferunt , sed animum enervant : Et ne Athletis insensior esse uidear , domesticis exemplis utar . Nos enim Bœotos Attici obesos , & insipidos , & fatuos potissimum edacitatis

citatis nomine uocabant. Isti uerò, sues: Et Menander, sunt ad edendum strenui. Et Pindarus, nosse deinde, sicco splendori prudentissimus est, animus similis ex sententia Heracliti. Inania dolia dum pulsantur sonum edunt, si plena fuerint, surda sunt. Lebetes aenei tenues sonitum in orbem propagant, quo ad circumactam per omnes illorum partes plagam manu iniecta quis obsepiat, & obstruat. Acies oculi superfluo humore pleni hebescit, & imbecilior est quàm ut muneri suo par esse possit. Ac quemadmodum aëre nebulis humidis obducto, & crassis exhalationibus occupato, sol neque liquidus, neque clarus, sed ueluti demersus & splendoris expers intuentibus appareret: ita etiam corpore saturo, & potu cibisque obruto, necesse est animi lumen infirmum, & prope extinctum, densissimis tenebris circumfundi, falli, & in acutè distinguendis rerum finibus difficultate & magnitudine uinci. Adde quòd humanitati assuescere mirificum & egregium uideri debet. Quis enim eum hominem iniuria afficiat, quem belluarum nulla ratione nobis coniunctarum mala tam grauitè commoueant? Nudiustertius inter disputandum factum illud Xenocratis, & Atheniensium commemorauimus: qui quidem ei qui uiuo arietem pellem detraxisset, mul-

d etiam

Etiam imposuerunt. Neque uerò meo iudicio sceleratior est qui uiuum torquet, quàm qui uitam eripit. Sed uti res ipsa loquitur, quæ morem uiolant, magis quàm quæ naturam sentimus. Et ista quidem in illa disputatione crassiore Minerua tractabam. Porro arduum, & occultis mysterijs implicitum, & incredibile initium placiti ignauis hominibus (ut ait Plato) ac mortalia cogitantibus, narrare non minus metuo, quàm gubernator in tempestate mari nauim committere, aut Poëta machinam in theatro tollere. Verùm non ineptè facturus mihi uideor, si uersus Empedoclis tanquam præludium quoddam præcinuero: quibus obscure indicat non alio nomine corporibus animos esse alligatos, quàm ut luerent pœnas, eo quòd animalia iugulassent, & eorum carnes atq; adeo suas ipsorum deuorassent. Licet ista ratio & Empedocli & Pythagora uetustior esse uideatur. Lacerationes enim, quas de Baccho Poëta fingūt, Titanum carniuororum in ipsum audaces impetus, pœnæ in eos constitutæ, & missa fulmina, non aliò pertinet, quàm ut restitutionem in uitam nos doceant. Ea enim animi nostri pars quæ rationis est expers, turbulenta, uiolenta, non diuina, sed demonica, à ueteribus Titanes appellata est, quam ipsam ei tribuimus maximè, qui dat pœnas et cruciatur.

O R A T I O P O - S T E R I O R.



R O X I M A disputatio nos hortatur, ut quantum ope & industria efficere poterimus, aduersus impura & rancida uiscerationis reliquias inuehamur. Magni enim est negotij, ut Catonem dicere solitum accepimus, ad uentres aurium expertes orationem habere, & poculum consuetudinis tanquam Circes haustum est, ex quo luctus, doli, lacrymaeque manarunt. Nec minus difficile est, nus expedire hamo edendarum carniū cum eo transfixi simus, & uoluptatis blanditijs obruti. Nam par erat ut quemadmodum Aegyptij uentrem defunctorum, exemptum & excisum ad solem, quasi caput scelerum omnium ab homine admissorum, eijciunt, sic etiam ingluuiem & carnificinam exsecantes, nullam in uita nostra labem herere deinceps patiamur: cum maximè uenter ad eadem propensus non sit suapte natura, sed intemperantia nimia ad eam incitetur. Quod si uitium hoc assuetudine tam altè radices egerit, ut uitari non possit, hunc sanè fructum ex hac disputatione consequar,

quar, ut parcius & uerecundius in id incidamus: fame coacti, non uoluptatibus deliniti, carne uescamur: & animalia cum dolore, & commiseratione, non ludibrio, aut cruciatu iugulemus. Quod plerisque frequentissimum est: quorum nonnulli in porcorum iugulum, ueru candentia intrudunt, ut sanguis extinctus ferri tinctura, & diffusus, carnem delatiorē & tēnēriore efficiat. Nonnulli ubera suū partui uicinārum comprimunt, & calce impetunt, ut cum sanguinem & lac inter partus dolores foetu simul interempto confuderint, comedant (proh Iuppiter piacularis) eam animalis partem, quā pluribus ulceribus scatet. Nonnulli gruū & cygnorum oculos consuunt, & caueis obscuris eos conclusos, absurdis mixtionibus, et condimentis nescio quibus saginant, ut ex eorum carne, gratum palato opsonium concinnent. Ex quo planum maximē fit, eos ex uoluptate in hoc scelus esse prolapsos, non ut cibum pararent, aut penuriam & necessitatem subleuarent: sed quod prae nimia satietate luxum & delitias consecrarentur. Et quemadmodum uoluptatem inexplebilem, & infinitam in mulieribus undique captans, & prae intemperantia uagus, ab intemperantia in nefanda incidit. Sic etiam immoderata in uictu cupiditas

ditas circumscriptos à natura fines egressa, scele-
 re & immanitate appetitionem uariat. Sensus
 enim modum naturalem præteruecti, unà mor-
 bum contrahunt, & in libidinem mutua conspi-
 ratione impelluntur. Ita auditus uitiosus musicam
 uitiauit: Tactus in molliciem foemineam degene-
 rans, inhonestis contrectationibus, & titillatio-
 nibus muliebribus delectatur. Hæc eadem gesti-
 culatricum, pyrricharum, cæterarumque saltatio-
 num iucundarum, statuarum & picturarum sa-
 tietatem oculis attulerunt: & magnis sumptibus
 edere munera gladiatoria suaferunt. Ita ex nefa-
 rijs epulis nascuntur obscæni congressus, ex con-
 gressibus ueneris auditiones absonæ, ex modis im-
 pudicis spectacula importuna, ex spectaculis im-
 mitibus immanitas quadam, & aduersus homi-
 nes crudelitas. Quo factum esse existimo, ut diui-
 nus ille Lycurgus in tribus legum suarum tabu-
 lis, serra, & securi, ianuas adium, & lacunaria
 fabrefieri iusserit, & aliud instrumentum adhi-
 beri uetuerit. Non quòd terebris, dolabris, &
 ascijs, quibus opus intestinum solet fieri, bellum
 indiceret: sed quòd compertum haberet, nemi-
 nem fore, qui ad eiusmodi opera ornanda lectu-
 lum auratum, in domum inferret, uel ediculas
 sordidas argenteis mensis, puluinis purpureis, &
 d 3 gemmis

gemmis pretiosis instruere auderet : ac tale futurum prandium , cœnamque , nempe frugi , & tenuem , qualia domus , lectus , mensa , & poculum fuissent. Delitiæ omnes , & sumptus , non cum initio uictus , & cultus deprauati , non secus ac equulus uberum ac lactis expers excurrerunt. Quenam igitur cœna magnifica est , cuius gratia aliquot animantia non iugulentur ? Leue dispendium esse credimus animi , neque animi qui patris fortè , uel matris , uel amici cuiusdam , uel filij corpore conclusus fuerit , (ut dicebat Empedocles) sed eius certè qui sensus , aspectus , auditus , uisionis , intelligentiæ particeps animantium cuique à natura tributus est : ut omnia quæ sibi sunt idonea inquirat , & paret , declinetque ea quæ à se aliena uideantur. Age uerò expende , melioresne an humaniores nos efficiant philosophi , qui præcipiunt ut liberos , uxores , patres aut amicos tanquam mortuos edamus : an Pythagoras & Empedocles , qui æquitati cuidam & humanitati erga alia animalia nos assues faciunt. Irrides quidem eum , qui ouilla carne non uestitur : nos uerò , dicent illi intuiti aliquem qui parentis mortui membra diuidit , ad amicos absentes mittit , præsentibus ad conuiuium uocat , & mensam carnibus , abunde instruit , nunquam ridebimus. Ac periculum

lum quoque est ne ipsi etiam impingamus, quòd priusquam manus, oculos, aures expurgauerimus, aliquo piaculo libros istos contrectemus: nisi medijsfidijs piaculi loco merito habendum est, dulci oratione (ut ait Plato) de his ita differere, ut sal-
sa & amara auditio eluatur. Quòd si quis libros & rationes inter se componat, genus illud philo-
sophiæ Scythijs, Sogdianis, & Melanchlanis scri-
ptum esse iudicabit: de quibus scribenti in histo-
rijs Herodoto fides non habetur. Veteres uerò
Græci non alijs legibus, quàm Pythagoræ &
Empedoclis placitis, uitam suam instituebant &
tuebantur. Quod nihil iuris nobis cum animalibus
intercedit, quæ ratione carent. Quinam igitur
tot post homines natos annis decreuerunt?

Qui primi funestum ausi fabricarier ensem,

Et gustare manu uinctum domitumq; iuencū.

Eadem uia aggrediuntur ad cædes Tyranni,
quemadmodum enim initio sustulerunt Athenis
sceleratissimum Sycophantam, qui nefarius appel-
labatur, & unum item & alterum: unde eo-
rum imperio Athenienses assuefacti, Niceratum
Niciæ filium, Theramenem imperatorem, & Po-
lemonem philosophum postea trucidari uiderunt:
Ita primùm immane aliquod animal, & perni-
ciosum comestum est: ita auis aliqua, aut piscis

irretitus est : atque ita crudelitas , illo gustu imbuta , & in illis cadibus prius exercitata , ad ouem , quæ nos uestimentis induit , & gallum gallinaceum domesticum progressa est. Et ita sensim collectis uiribus , ad hominum cades , neces , & prælia peruenit. Caterum tametsi nemo probet animos uti communibus corporibus , in alteris natalibus : & quod particeps rationis est effici expers , & ferum mansuescere , (natura autem formam omnium rerum uariat , & immutat ornans diuerso carniū tegumento) si non cohibeatur effrenata & immoderata libido , quod grauitates & morbi corporibus ingenerantur , & animus in pugnam sine lege præceps fertur , cum hospitem & amicum cruento conuiuio excipere , & nuptias celebrare consuescimus : tametsi inquam alterius immigrationis in corpora argumentatio fidem non meretur , dubitatio tamen religionem & metum nobis inijcere merito deberet. Ut , si quis pugna noctu commissâ , corpori prostrati , & armis induti hostis uestigium impresserit , iam iam eum interfectorius , & eum moneat aliquis se non perspectum planè habere , suspicari tamen eum qui taceat filium eius esse , aut fratrem , aut patrem , aut contubernalem : utrum satius fuerit coniecturæ falsæ assentiri , &
hosti

*hosti quasi amico ignoscere : quàm negligere quod omnino certum non est, & propinquum quasi hostem trucidare ? hoc intolerandum esse nemo uestrum non indicabit. Age uerò intueri Meropem in tragœdia, quæ filium occisura securim tollit, & ait, Venaliorem tibi plagam infligo. quantum obsecro tumultum in theatro excitat minaci uultu ad eadem insurgens ? & quantum metum incutit auditoribus, ne prius adolescentulum è medio tollat, quàm senex retinere possit ? Quod si alius senex proximus dixisset, ferito, hostis est : alius autem, ne ferias, filius est. Vtrum atrocius scelus admissuram fuisse existimas, quæ commiseratione erga filium mota, de hoste supplicium non sumit : an quæ odio in hostem impulsæ in filij eadem incidit ? Itaque cum neque odio, neque ira, neque ultione, neque motu, ad eadem incitemur, sed ex uictima resupino collo iacente uoluptatem capiamus, & philosophus quispiam exclamet, Iugula, animal est rationis expers. Alter uerò, Mane. (quid enim si propinqui aut Dei alicuius animus immigrauit ?) idem profecto periculum imminet, si carnibus uesci nolim, ac si propinquum aliquem aut filium à me interfici non credam. Iam uerò certamen illud pro esu carnium Stoici sustinere non
d s possunt.*

possunt. Quis helluo in uentrem aut culinam? Quid? Voluptatem qui ad mulieres relegant, ac insectantur quod neque in bonarum neque præstantium rerum numerum referenda sit, neque naturæ conueniat, tanto studio curant ea quæ ad uoluptates pertinent? At par erat eos qui unguenta & placentas non ferunt in conuiujs, cruorem & carnem multo iniquiori animo tolerare. Nunc perinde ac si philosophicis præceptis diaria nostra informare uelint, cœnarum impensas, in rebus inutilibus, & superfluis refecant: immanem uerò sumptuum occasionem, & in eadem propensionem non accusant. Sanè inquit Stoicus, nulla enim cognatione cum brutis coniungimur, neque cum unguentis & lautitijs exoticis, respondeat aliquis. Atqui ab his nos deterretis, quòd uoluptates inutiles, & quibus facile carere possumus, obijciendas esse censeatis. Verùm enim uero istud etiam quod contendunt nullo iure nos cum brutis coniungi, neque astutè, neque captiose expendamus: sed nostros affectus propius intueamur, & subducta nobiscum humanitas ratione dijudicemus.

FINIS.







